



## Universitätsbibliothek Paderborn

### **Dormi Secvre: Vel Cynosvra Professorvm Ac Stvdiosorvm Eloqventiæ,**

in qua Centvm Et Viginti Themata Oratoria. Non Solvm Stvdiosis, Sed &  
Professoribus eloquentiæ, ac pietatis veræ amantibus utilissima &  
pernecessaria explicantur ; Cum Indice rerum atq[ue] verborum locupleti

**Tympe, Matthäus**

**Coloniæ Agrippinæ, 1650**

IV. Parænesis ad studiosos, ne se hyemis acerbitate à studiis literarum  
sinant deterreri.

**urn:nbn:de:hbz:466:1-39015**



## THEOLOGIAE.

2. *A fine*, ut intelligamus S. Scripturam, quæ non in legendo, sed in intelligendo consistit, ut collantur hæreses & sectæ, Theologia enim sanam doctrinam conservat & firmas rationes contra hæreticorum errores suppeditat. Sine hac nemo facile obfistet. Nam, ut Tertul. inquit, *in ipso congressu firmos quidem fatigant, infirmos capiunt, medios cum scrupulo dimittunt.* *De præs. hæret.*

CONCLUSIO *ab adhortatione ad iudices*, ut cum videant dignitate, utilitate & necessitate Theologum longè superare Medicum & Jurisconsultum, pro ipso constanti & infracto animo sententiam dicant, non ut Theologus inde ditescat, sed ut veritas innotescat, atque illud quod primas obtinere debet, obtineat, & reip. omniumque salutis consulatur.

IV. *PARÆNESIS PRÆCEPTORIS ad discipulos, ut hyemis acerbitate à literarum studiis se deterreri non sinant.*

EXORDIUM *duccetur à persona auditorum per collationem*, quòd cum omnes homines facillè deterreri soleant ab honesto aliquo & laudabili vitæ instituto; tum adolescentes, quorum ætas temeraria & rerum adhuc imperita senum regenda & constituenda est prudentia. *Cic. 2. de Offic.*

PROPOSITIO; Te igitur præceptorem discipulorum tuorum salutis, uti par est, studiosissimum; discipulos jam in hyemem ac studia remissos admoniturum, ut ne sinant hyemis molestiam & acerbitatem impedire rem tam honestam.

CONFIRMATIO *ab honesto*, quòd id demum honestum sit, si ab honesto vitæ genere non desistas propter molestias & labores. Nam non tam laudabile Ciceroni fuit, quòd Oratorum princeps eva-



fit, cum natura propemodum Orator esset; quam *Demostheni*, qui licet primam istius artis literam eloqui non posset, tamen vehementi studio naturam reluctantem planè expugnavit. Non *Herculi* id nomen dedit, quòd plurimas res gessit, sed quòd cum intellexisset longa deliberatione gloria & nominis viam esse durissimam, eam elegit & invicto animo continuavit & absolvit: Non ad eò prædicatur *Cleanthes*, quòd rerù cognitione excellit, quàm quòd summa industria & inaudita vigilia eam sibi comparavit: fertur enim interdum aquam hausisse, quo labore victum sibi acquirebat, & noctu studiis vacasse, cum membra laboribus diutnis defatigata, quietem postularent. unde pro *Cleanthe* *φρεάντης* dictus est.

*A pari*: quòd quemadmodum æstate æstum studiosorum gratia hilari animo perferre: sic nunc frigora non inviti perferre debeant, memores istius *Horatii*: *Qui studet optatam, &c. Hoc amplificabitur à maiori*: quòd facilius frigora ferri possint, quia illis succurratur calidis hypocaustis, cum æstus nullum habeat refrigerium, quare etiam quibusdam in locis æstate sub canicula intermittuntur studia, hyeme verò ubique continuantur.

*A minori* quòd opifices victus solius gratia & corporis alendi vim frigoris perferant: quare non artium candidatus eruditionis comparandæ & animi excolendi perferret?

*A maiori*: Venatores, ut *Cicero* ait, pernoctant in nive, in montibus uri se patiuntur, & literarum studiosus scientiæ comparandæ gratia evitaret frigora inter parietes & domicilia?

*Aliter à maiori*: Martis milites vulnera patiuntur & pericula mortis subeunt exigui stipendii expectatione; & *Minervæ* milites frigora devitarent ut artes addiscant, quibus se & vitam suam excolant, & quid verè sit vivere, discant; *Aristoteles*  
enim

2. Tuse.



## NON INTERMITTENDA 11

enim indoctos mortuis comparare solebat. Aristippus verò indoctum ne hominem quidem esse sentiebat.

*Ab Utili*, quod si nunc frigora tolerēt & animum bonis literis excolant, futurum sit, ut tandem emergant, & celebres, fiant, quòd aliquot exemplis confirmabitur: Demosthenis, Ciceronis, Aristotelis, Platonis.

*Ab utili, contrarij*: quòd si modò remiserint diligentiam & otiosi cæperint, metuendum sit, ut ea quæ superiore æstate percepta sunt, quorum nondum habitum consecuti sint, facillè excidant. Dispositio enim rei inchoatæ facile perit, omnium philosophorum sententia.

*A facili*: quòd facillè frigora nunc perpeti poterunt, modò velint, quia jam à parentibus melius vestiti sint.

*A turpi contrarii*: Turpe fore, si benè vel mediocriter saltem vestiti hyemis injurias ferre nolint, cum parentes nullos subterfugiant labores, ut liberos suos vestire possint & munire contra omnem aëris injuriam.

**CONFUTATIUNCULA** *quedam ad dūcās*: Esse tantam hyemis vim ut ferri nequeat. Videas sæpè mendicos, qui nudis propemodum pedibus in acerrimo gelu & densis nivibus per plateas oberant, & stipem quærunt, neque frigore tamen perirent. Senes quoque quibus minus est caloris naturalis, quàm adolescentibus non segnius sua munia obeunt hyberno tempore, quàm æstivo Ergo quo ad istis fieri potest, nemini *ad dūcās* videri debere: frigora non impediunt mercatorum itinera.

**CONCLUSIO** per repetitionem præcipuorum argumentorum, & adhortationem ad hyemis injurias fortiter & constantè ferendas.